

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2022

Nd.7 Ng.20

Liggaeuq nyaemyzin nienz ndwenroek ngeihngeih

Geizsoq: Gungh daih 3533 geiz

Liuz Ningz Bae Sangswh Yen Diuyenz Hong Fuengz Hanh Binghraq, Ca Dangjgen Coengh Saenqhwngh Lajmbanj, Hwnqguh Swnghdai Vwnzmingz Daengj

刘宁在上思县调研疫情防控、抓党建促乡村振兴、生态文明建设等工作

7 nyied 16 hauh, Swcigih Dangj-veij suhgi, Swcigih Yinzda Cangz-veijvei cujyin, Swcigih Sinhgvanh Feiyenz Yizcingz Fangzgung Cij-veihbu cijveihcangj Liuz Ningz bae Fangzcwnghgangj Si Sangswh Yen diuyenz fuengz hanh binghraq, ca dangjgen coengh saenqhwngh lajmbanj, hwnqguh swnghdai vwnzmingz daengj, giengzdih aeu lai rox gij yi yi gietdingh “song aen dinghlaeb”, dingjmaenh guh daengz “song aen henhoh”, gvancez doek-saed gij cingsaenz gangvah youq-gaenj “4·27” Siz Ginbingz cungj-suhgi cazyawj Gvangjsih caeuq baenzroix iugouz ciji youqgaenj naeuz hong Gvangjsih, doeksaed gij iugouz youqgaenj “binghraq aeu fuengz ndaej, ginghci aeu onj ndaej, hwnghat aeu ancienz”, ca ndei hong ciengzseiz fuengz hanh binghraq, haenqrengz gyamaenh gya'gvangq gij

cwngzgoj vutgungz gunggeng ndei bae, cienzmienh doicaenh saenqhwngh lajmbanj, dungjcouz fuengz hanh binghraq caeuq ginghci sevei hwnghat ndei bae, yungh hengzdoengh saed-saeh ciepcoux Ngeihcib Daih Dangj hai ndaej baenz.

Youq Sangswh Yen Yizcingz Fangzgung Cijveihbu, Liuz Ningz nyinhcaen dingq bauqlwnh cingz-gvang hong fuengz hanh binghraq “dangjgen + vangjgwz + daihsogawq”, daengz dieg genjcaz cijdauj hong ciengzseiz fuengz hanh binghraq, yawj cam bouxguhong fuengz hanh binghraq itsienq. Liuz Ningz iugouz, haeujlaeg gvancez doeksaed gij iugouz fuengz hanh binghraq “roxnaj gipseiz, cawqleix riengjret, guenjhanh cingcinj, gouqyw ndeindi” Siz Ginbingz cungjsuhgi daezok haenx, yungh banhfap gohyoz cingcinj rengzrd, mbouj cuengqsoeng saekdi ca ndei

gak hangh banhfap fuengz hanh binghraq, dingjmaenh gyamaenh gij cwngzgoj fuengz hanh binghraq mbouj yungzheih aeu ndaej haenx.

Youq Nazginz Yangh Baizliuj Cunh Dangjginz Fuzvucan caeuq Aen Guenj Langhbaij Saenqhwngh Lajmbanj, Liuz Ningz daengz dieg roxyiuj cingzgvang mizgven hong dangjgen coengh saenqhwngh lajmbanj dangdieg. Liuz Ningz giengzdih, aeu haeujlaeg gvancez doeksaed gij lwnghangj youqgaenj mizgven hong gihcwngz dangjgen Siz Ginbingz cungjsuhgi, laeb maenh gij dazyiengq mingzbeig lai ca gihcwngz, lai ca cihbu, guh ndei gak hangh hong gihcwngz cujcaiz, hawj gihcwngz dangjgen lai ndei lai miz rengz, yungh aen gihcwngz dangjgen caetliengh lai ndei coengh cienzmienh saenqhwngh lajmbanj.

Liuz Ningz bae daengz dieg guhyiengh canjnieb makgenhgoj Cib

Fanh Dasanh daengj dieg, ciengzsaed roxyiuj gij cingzgvang nungzyez daegsaek, hwnghat canjnieb lijyouz ndoengfaex swnghdai caeuq yungh gij swhyenz go ywdoj daengj. Liuz Ningz giengzdih, Sangswh Yen aeu yungh ndei gij bya dah daegbied gagmiz Cib Fanh Dasanh, giethab gizdieg swhyenz daegsaek cau aen canjnieb dingj-daeuz, haenqrengz hwnghat nungzyez daegsaek daihneix, yungzhab nungzyez vwnzva lijyouz, guh hung aen canjnieb hawj bouxminz gizdieg baenzmiz, coengh vunzguhnaiz laisou baenzmiz, doidoengh gyamaenh gya-gvangq gij cwngzgoj vutgungz gung-geng caeuq saenqhwngh lajmbanj doxciep ndeindi, vih cienzmienh doicaenh saenqhwngh lajmbanj, saed-yienh nungzyez nungzcunh yendaiva gunghawj cengjdingj maenhsaed.

(Cinz Yizcwz)

Liujcouh Banh Aen Ban Son Song Vah Bangrengz Saenqhwngh Lajmbanj

柳州举办助力乡村振兴双语培训班

Mboengqneix, Liujcouh Si Minzcunghveij caeuq Yungzsuij Myauzcuz Swciyen Yenveij Dungcanbu youq dieg buen senj youq banh aen hozdung saedguh cawjdaez gyauyuz cukmaenh gij eiqsik caezcaemh Cunghvaz Minzcuz caeuq aen ban son song vah bangrengz saenqhwngh lajmbanj cukmaenh gij eiqsik caezcaemh Cunghvaz Minzcuz Liujcouh Si bi 2022.

Youq aen hozdung saedguh cawjdaez gyauyuz cukmaenh gij eiqsik caezcaemh Cunghvaz Minzcuz, fat swhliu 200 faenh, guh hozdung ciengjdap cihisiz cukmaenh gij eiqsik caezcaemh Cunghvaz Minzcuz, guh hozdung hag song vah ndaej faen caujuvuenh. Vunzlai ndaw segih dieg buen senj youq doenggvaq aen cwngzsi iq veihsin youq gwnz de hag Vahbujdungh caeuq vah siujsoq minzcuz, aeu ndaej faen camgya caujuvuenh huqlaex.

Youq aen diengzhong bangfuz couhnieb dieg buen senj youq, banh le aen yizsiz haiban aen ban son song vah bangrengz saenqhwngh lajmbanj cukmaenh gij eiqsik caezcaemh Cunghvaz Minzcuz Liujcouh Si bi 2022. 50 boux yozyenz dieg buen senj youq caeuq vunz youq henzgyawj youq haenx daeuj camgya, gyoengqde nienzeij youq duenh 16 bi daengz 55 bi, aen ban neix son 《100 Coenz Vahbujdungh》, cwngzsi iq veihsin hag song vah, son dinfwngz dajsiuq doxgaiq Myauzcuz daengj.

(Lij Yinciz Siz Sanh)



Ra Rizdin Saekhoengz Swnj Cingsaenz Saekhoengz

寻访红色印迹 传承红色精神

7 nyied 15 hauh, Lungzswng Gak Cuz Swciyen Lungzswng Cin Daihngaih Siujyoz cujcaiz lauxsae hagseng caeuq bohranz 400 lai boux bae daengz aen dieg daejniemh vwnzva hungzginh cangzcwngh Majdiz Yangh aen yienh neix, hawj lauxsae hagseng dingq gij gojgaed hungzginh cangzcwngh gvaq Lungzswng, gvaq Majdiz, caensaed roxyiuj diuzroen cangzcwngh “song fanh haj cien faen cih it” baenzlawz hoj, hawj gyoengqde bae ra rizdin saekhoengz, swnj cingsaenz saekhoengz.

(Couh Cungzmei Fan Sihyiz Mungz Yengingz)